



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter formulas Declaratoriarum Censurarum, ponuntur aliæ formulæ, tum Citationum, ac Monitionum pro validitate processuum requisitarum, tum Decretorum, aliorumve actuum ad opportunitatem, & ornatum materiæ incidentium; acceditque in calce Appendix miscellanea, plura, ad Gubernium ...

Monacellus, Franciscus

Venetiis, 1709

De suspensione contenta in Bulla Greg. XIII. Exposcit.

[urn:nbn:de:hbz:466:1-62433](https://nbn-resolving.de/urn:nbn:de:hbz:466:1-62433)

presumpseritis, decernimus eum, qui taliter receptus fuerit nullatenus esse vestro Ordini alligatum, vosque receptione quorumlibet ad professionem ejusdem Ordinis fore ipso facto suspensos, & insuper pœna subjiciendos.

- 3 Hæc autem pœna suspensionis à receptione aliorum, ablata non fuit à Concil. Trid. sess. 25. c. 5. ubi professio antè annum probationis emissâ irritatur, quia Concilium alias poenas à jure statutas non tollit; & d. text. in d. c. non solum, non respicit tantum validitatem actus, quam factum, ut advertit Bonac. loc. cit. n. 19. potest tamen Episcopus, ab hac suspensione Moniales subditas absolvere, & ad actus receptionis reintegrale, Bonac. ibid. n. 18.
- 4 Et hic nota, quod præcedentia inter Moniales, non regulatur à die suscepit habitus, sed à die validæ professionis, quantum autem duæ insimul eodem instanti professionem emitterent, quæ prius ad habitum admissa fuit præcedere debet, & si eodem tempore ambæ ad habitum admissæ fuissent, data etiam professionis paritate, quæ prius acceptata fuit præcedet, S. Congr. Episc. in Patavina 1608. & in Nolana 26. Junii 1615. & S. Congr. Concil. 13. Martii 1648.

De suspensione contenta in Bulla Gregor. XIII. Expositi, Bular. tom. 2. pag. 463.

S U S P. V.

S U M M A R I U M.

- 1 *Abbatissatus officium est triennale.*
- 2 *Episcopus non potest prorogare gubernium Abbatissæ, neque sub alio nomine donec nova Abbatissa eligatur, & reicitur Pasqualig.*
- 3 *Abbatissatus officium potest esse annale, vel biennale, & tunc Abbatissæ reeligipotest, donec triennium compleatur.*
- 4 *Bulla Gregorii XIII. non habet locum in electione Abbatissæ, quæ fit per institutionem, presentationem, seu nominationem, neque extra Italiæ, & n. 5.*
- 5 *An Constitutio Gregorii XIII. sit ser. Monacel. Formul. Pars III.*

vanda in Conservatoris, & aliis Collegiis Virginum non habentibus claustram, examinatur.

- 7 *Ordinarius dispensat, ut Superiorissa Conservatorii possit reelegi ad aliud triennium.*

A D N O T A T I O N E S.

Abbatissæ, sive Monasteriorum Monialium Præfectoræ, quæ olim in Italia erant perpetuae, hodie vigore hujus Constitutionis sunt triennales, adeò ut statim expirato triennio; remaneant ab officio suspensæ, & omni prorsus careant auctoritate, & nisi transfacto alio triennio reelegi non possint, sub pœna nullitatis, & irritationis.

Hoc gubernii triennium, Episcopus non potest prorogare, S. Congr. Episc. in Adrien. 15. Febr. 1615. neque Abbatissam post finitum gubernium, sub alio nomine Monasterio præficere, donec nova Abbatissa eligatur, ut dixi par. 1. tit. 11. ad form. 22. n. 11. quia ita providendo faceret contrà Bullam, in qua sic dicitur elapsø triennio suis officiis perfundæ præesse desinat, ac à regimine, & administratione Monasterii per triennium à die finitæ administrationis abstineant, &c. Quod si secùs à quoquam quavis auctoritate fuerit attentatum, electionem, & præfectionem hujusmodi, ac omnia, & singula, quæ inde sequentur, irrita, nulla, & inanæ fore &c. sed donec nova Abbatissa eligatur, præsidentia datur Seniori, ut probant Decreta in d. par. 1. allegata, Donat. prax. tom. 4. tr. 7. q. 27. n. 3. quidquid dicat in contrarium Pasqualig. ad contr. de Franc. p. 1. n. 675.

Hæc autem Constitutio prohibet gubernium Abbatissarum protrahi ultra triennium: non tamen, quod non possint esse annales, vel biennales juxta Religionum statuta, Gavant. manual. Episc. verb. monialium official. electio n. 22. Tambur de jur. Abbatiss. disp. 30 q. 1. n. 10. Pelizar. de Monial. c. 7. n. 46. quæ poterunt post annum, vel post biennium reelegi, quoisque gubernium triennale compleant, ut vult Pasqualig. ad Lauret. de Franc. contr. p. 1. n. 677.

R. 3 Item

Item non habet locum in electione Abbatissæ, quæ fit per institutionem, præsentationem, sive nominationem, quia, qui ex privilegio, aut ex lege fundationis Monasterii, hanc facultatem habet, poterit eam perpetuò, vel ad tempus longius præsentare, etiam in Italia, Barb. de jur. Eccles. lib. 1. c. 46. n. 37. Donat. prax. ver. reg. tom. 4. tr. 7. q. 23. nu. Card. de Luc. *suprà Concil. dis. 37. n. 20.*

Neque locum obtinet extra Italiam, nec minus in Conservatoriis, & Domibus piis virginum, & Mulierum collegialiter viventium, in quibus clausura non servatur, ut respondit Navar. cons. 7. de stat. monac. per tot. ubi loquitur de Ven. Domo Oblatarum Turris speculorum Urbis.

Verumtamen, licet sententia Navarri, inspecto Constitutionis tenore vera sit, ex quo in ea strictè de Monialibus S. Benedicti, Cisterciensium, Carthusiensium, & aliorum ordinum, sermo sit: tamen cum in c. *Indemnitatis* §. *Supradicta de elect.* in 6. dicatur, quod quæ statuta sunt ibi circa electionem Abbatissæ, & Priorissæ Monialium, servari debeant etiam in Domibus & Collegiis Mulierum, & oblatarum in quibus vota solemnia religiosis non emittuntur, ut ibi -- *supradicta si quidem, nedum in Monasteriis, in quibus sunt Moniales viventes sub aliqua ex religionibus approbatis: sed etiam in illis ubi sunt juxta quarundam Provinciarum consuetudinem Mulieres, que nec propriis renunciant, nec professionem faciunt regularem, sed vivunt ut in secularibus Ecclesiis Canonici secularares volumus per omnia observari: certum videtur quod nisi statutum fundationis obstat, vigore dispositionis juris d. Constitutio ad Congregationes Mulierum Oblatarum, sive Tertiariarum sit extendenda, & in earum electionibus observanda, prout jam declaravit S. Congr. Episc. ut testantur Pasqualig. loco supracitato n. 671. Nicol. in flosc. verb. Conservatorium nu. 3. & pro indubitate de jure tenet Passerini. de elect. cap. 40. n. 30. At in his poterit Ordinarius dispensare, ut Superiorissa valeat confirmari, & reelegi ad aliud triennium, Nicol. loco citato.*

De suspensiōne contenta in Conslit. Greg. XV. Inscrutabili. Bullar. tom. 4.

S U S P . VI.

S U M M A R I U M .

- 1 *Electio Abbatissæ in Monasteriis Regularibus subjectis, si fiat finē præsidentia Episcopi, an, & quandō sit valida, vel invalida, ostenditur. & n. 2. & 3.*
Superiores Regulares, qui ad electiōnem Abbatissæ processerunt, non expedito Episcopo, possunt puniri, ibi.
- 4 *Datur formula declarationis animi Episcopi, super præsidentia electiōnis Abbatissarum exemptarum.*
- 5 *Constitutio Synodalis in rebus speciali- ter Ordinario commissis, ligat etiam Regulares.*
- 6 *Electio Abbatissæ per vota non secreta, nulla est, quamvis hoc contingat ex ignorantia, & adducitur pro limita- tione doctrina Sperelli.*
- 7 *Electio Abbatissæ nulla est, quandō electa non habet requisita Concilii vel est corrupta, illegitimè nata, excommunicata, suspensa, aut interdicta, quamvis tolerata.*
- 8 *Electio facta per scrutinium auricula- re, dicitur Secreta.*
- 9 *Electio facta coram simplicibus testi- bus, & non coram scrutatoribus est nulla.*
- 10 *Scrutatores obligantur ad secretum. ibi.*
Electio Abbatissæ in Monasteriis Regularibus subjectis, prorogari, fieri, & confirmari non debet finē consen- su Episcopi.
Abbatissa canonice electa, si officium sibi impositum acceptare recusat, pos- test censuris cogi ad acceptandum ibid.

ADNOTATIONES.

HÆC Constitutio fuit à me data per extensum cum declarationi- bus